



Sofia Geisler
Inatsisartunut ilaasortaq, Inuit Ataqtigiit

§ 37 naapertorlugu apeqqummut nr. 076/2020-mut akissut

02-06-2020
Sags nr.2020-8434
Akt nr. 13753257

§ 37 naapertorlugu apeqqutinut Naalakkersuisut qujapput. Apeqqutit ataani issuarneqarlutillu akineqarput.

Postboks 1160
Tlf: 34 50 00
Fax: 34 55 05
3900 Nuuk

§ 37-mik apeqqutit akissutaat suliarinerani Naalakkersuisut Siulittaasuata Naalakkersuisoqarfianiit, Inuussutissarsiornermut, Nukissiuuteqarnermut Iisimatusarnermullu Naalakkersuisoqarfimmiit, Ilinniartitaanermut, Kultureqarnermut Ilageeqarnermullu Naalakkersuisoqarfimmiit kiisalu Nunatta Nakorsaaneqarfianiit akissummik pissarsisoqarnikuuvoq.

Email: pn@nanog.gl
www.naalakkersuisut.gl

Naalakkersuisunut apeqqut:

1. Naalakkersuisut qinnuigineqarput nassuiaaqqullugit ilumoornersoq Nunatsinni angerlarsimaffillit Danmarkimiit angerlarniartut itigartinneqartarnersut.

a. Taamaattoqarsimappat; suna pissutigalugu itigartinneqartarpat uffa Danmarkimiit aallartigani tunillatsissimannigineq qulakkeeqqarneqartartoq aammalu Nunatsinnut tikereermermi misissugassamik tigusiffigeqqinneqartarneq pisartoq?

Naalakkersuisut Siulittaasuata Naalakkersuisoqarfianiit imatut akissuteqartoqarpoq:

“Ilumuunngilaq Nunatsinni angerlarsimaffillit Danmarkimiittut angerlarniartut itigartinneqartartut. Pisariaqartitsivissunik timmisartuussisoqarneratigut angerlartinneqartarput, tamannalu imarpik qulaallugu timmisartuussineq mattunneqarmalli periarfissaasimavoq. Taakkuali allatulli qinnuteqartussaallutillu nalilersuineq tunngavigalugu innersuunneqartartussaapput. Nunatsinni angerlarsimaffillit Danmarkimiittut tulleriiarinermermi salliutinneqartanngillat. Tassa imaappoq allat pisariaqartitsinerusut, soorlu napparsimasut sulisullu pisariaqartinneqavissut, salliunneqartarput. Taamaalillutik inuit eqqaaneqartut ulloq angerlarfissartik namminneq toqqarsinnaasannigilaat, aatsaallu inissaqaleraangat angerlamut timmisartuunneqartarlutik.”

2. 2000-ikkut naajartorneranni kingullermik nalunaarsuisoqarpoq Nunatsinni inuit angerlarsimaffii pillugit tassunga ilanngullugu angerlarsimaffiit qanoq angitiginersut.

a. Naalackersuisut qinnuigineqarput nassuiaaqqullugit Coronavirusip ajornartorsiortitsinerata nalaani innuttaasut imminnut qanillnnginnissaannik innersuussutip angerlarsimaffiminni malinnissaanut innuttaasut periarfissaat ataatsimut isigalugu qanoq innersoq.

Naalackersuisut nalunngilaat inuiaqatitta akornanni inoqartoq aneqqusaannginnerup mattusimatinneqarnerulluunniit nalaani inuit imminnut qanillivallaqqusaannginnerat pil-lugu innersuussutinik inissakilliorneq pissutigalugu malinnikkuminaatitsisunik, apeqqutip 2 b-p akissutaa takuuk.

b. Naalackersuisut qinnuigineqarput nassuiaaqqullugit Coronavirusimik tunillatsissimasut, angerlarsimaffiminni inissaakilliorneq pissutigalugu, allamut inissikkallarnissaminnut qanoq periarfissaqartiginersut pillugu periarfissanik allanik nassaarnissamut suliaqarnerlutik.

Nunatta nakorsaaneqarfiata akissutaa:

“Arktisk Kommando Suligasuartartunut ilaalissaaq, suligasuartartullu Nunatta Nakorsaaneqarfianik, COVID-19-inip atuunnerani sullissinissamut akisussaasuusumik, tapersersuisussatut pilersinneqarput. Suligasuartartunik pilersitsinermi siunertaavoq COVID-19-ip atuunnerani aqqqissuussaalluartumik sullissinissap isumannaarneqarnis-saa, tamannalu peqqinnissamut tunngasutigut sullissinerit assigiinngitsut akimorlugit ingerlanneqassaaq, aamma tunillatsissimasinnaasunik ujaasinermi mattussimatitsiner-milu. Nammineq angerlarsimaffik mattussimatitsiviusussatut piukkunnanngippat Suleqa-tigiissitat nutaat kommunit suleqatigalugit mattussimatitsivissatut inissiiffissaq isumaga-lugulu mattussaasunik pilersuisussaapput.”

3. Naalackersuisut qinnuigineqarput nassuiaaqqullugit Nunatsinni angerlarsimaffiit qassit imermik kuuginnartumik periarfissaqarnersut.

Inuussutissarsiornermut, Nukissiuuteqarnermut, Ilisimatusarnermullu Naalackersuisoqarfiup akissutaa:

“Inuussutissarsiornermut, Nukissiuuteqarnermut, Ilisimatusarnermullu Naalackersuisoqarfiup ilisimatitsissutigisinnaavaa inoqutigiit qassit kuinnartumik imilersugaanersut eqqoqqissaartumik paasissutissiissutigineqarsinnaanngitsaq. Ineqarfiit ataatsimoortut katuutaminnik imermut uuttuuteqarnerat tamatumunnga pissutaavoq. Nukissiorfiit paasissutissiippat imermut uuttuutit atorneqartut akiligassaliuunneqartartullu 13.251-iusut. Uuttuutinit taakkunangga 11.281-it inuinnaat uuttuutaatigaat sinnerilu suliffeqarfiutilinnit pigineqarput. Eqqaaneqareersutut ineqarfiit ataatsimoortut katuutaminnik imermut uuttuuteqarmata eqqoqqissaartumik oqaatigineqarsinnaanngilaq Nunatsinni inoqutigiit qassit kuinnartumik imeqarnersut.”

4. Meeqqat atuariini atuartut angajullit soraarummeernerminni karakteriminnik pitsanngorsaanissaminnut immikkut periarfissinneqarnissaat siunertaralugu suliniutinik sunik

allaartitsisimanertik pillugu Naalackersuisut qinnuigineqarput nassuiaaqqullugit.

Ilinniartitaanermut, Kultureqarnermut Ilageeqarnermullu Naalackersuisoqarfiup akissutaa:

“Meeqqat atuarianni atuartitsisarnermik allanngortiterineq ukiorlu manna soraarummeernissamik taamaatitsineq tunngavigalugu Naalackersuisut atuartunut ukioq manna meeqqat atuarianniit anisussanut immikkut suliniuteqarnissamik maannakkorpiaq pilersaaruteqanngillat. Atuartut ukiumi matumani atuariusumi karakterii soraarummeernermi angusaannut taarsiullugit atuutsinneqassapput.

*Soraarummeernermi angusanik pitsanngorsaasinnaanermut tunngatillugu periarfissat arlallit inatsisini atuuttuni nassaassaareerput. Takuneqarsinnaavoq meeqqat atuariannik naammassinnittut affaasa missaat nunatsinni Danmarkimiluunniit efterskolernissamik qinnuteqartartut imaluunniit nunanut allanut atuariartortartut. Atuartut ilinniaqqinnissartik aallartitsinnagu periarfissanik tamakkuninnga toqqaasarput ilaatigut meeqqat atuarianni angusarisimasaminnik pitsanngorsaaniarlutik, oqaatsinik ilinniarniarlutik inuttulluunniit perorneruniarlutik. Danmarkimili efterskolerniarlutik qinnuteqartut ukioq manna ikinne-
rupput. Tamatuma saniatigut atuartut ukioq atuarfigisimasartik kingulleq uteqqillugu atuar-
nissaminnut meeqqallu atuarianni soraarummeerutaasumik misilitsinnissaminnut inatsi-
sitigut periarfissaqartinneqarput. Aamma fagit meeqqat atuarianni ingerlanneqartartut
arlallit Majoriami sammeqqinneqarsinnaapput, tamannalu kingusinnerusukkut meeqqat
atuarianni soraarummeerutaasumik naggaserneqarsinnaavoq.”*

a. Naalackersuisut qinnuigineqarput nassuiaaqqullugit ilinniarfeqarfinni inissanik amerlanerusunik pilersitsinissamik pilersaaruteqarnermut, taamaasilluni qinnuteqartut ilimagisamik amerlanerussagaluarpata inissaqartinnissaat qulakkeerumallugu.

Ilinniartitaanermut, Kultureqarnermut Ilageeqarnermullu Naalackersuisoqarfiup akissutaa:

“Aallaqqaasiullugu eqqaaneqassaaq Covid-19-ip ilinniagaqarniartunut ilinniarfinnullu akor-nutaanera pillugu saaffiginnissutinik Nuna Tamakkerlugu Ilitersuisarfik maannakkorpiaq tigusaqarnikuunngitsaq. Tassa Ilitersuisarfimmi internetilu aqqtigalugu Ilitersuisarfimmi saaffiginnissutinik taamaattunik tigusaqartoqarsimannngilaq.

Apeqqutip tulluittup akineqarnerani ilinniarnertuunngorniarnarfik, inuussutissarsiutinik ilinniarfiit ilinniaqqinnerillu aallaavigineqassapput.

Ilinniarnertuunngorniarnarfik.

*Ilinniarnertuunngorniarnermut tunngatillugu ilinniartut tiguneqartartut amerlisinnissaat ukiuni kingulliunerusuni pisariaqarnikuunngilaq. Tamanna qinnuteqartartut ikiliartorne-
rannik qinnuteqartullu piumasaqaatinik tamanik naammassinnittut tamarmik ilinniarnertuunngorniarnarfimmi tiguneqartarnerannik pissuteqarpoq. Taamaattumik naliliisoqarpoq qin-
nuteqartut amerlissappata inissaqartitsisoqarumaartoq.*

Inuussutissarsiutinik ilinniarfiit:

*Inuussutissarsiutinik ilinniarfiit aamma qitiusumik ilinniarfiit, inuussutissarsiutinik ilinniartitsi-
nerit neqeroorutigisamik iluanni pisussaaffigaat, qinnuteqartut akuerisaanissamut*

piumasaqaatinik piviusunngortitsisut tamaasa ilinniartunngortissallugit imaluunniit isumagissallugu inuutissarsiutinik ilinniarfimmi qitiusumilluunniit ilinniarfimmi allami assinganik ilinniartitsiffiusumi ilinniartunngortinneqarnissat, tak. Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaanni nr. 10-mi, 19. maaji 2010-meersumi § 8, inatsisartut inatsisaatigut nr. 15-ikkut 12. juuni 2019-imeersukkut kingusinnerusukkut allanngortinneqartumi. Ilinniartunilli tiguisarnemi suliffiit ilinniarfiusinnaasut qanoq amerlatiginerat apeqqutaasarpoq.

Ilinniaqqinnerit:

Ilinniartut ilinniarnissamik aallartinnissaanik allannguerusuttut saaffiginnissutaannik ilinniaqqiffiusartut maannakkumut tigusaqarnikuunngillat.”

- 5. Naalakkersuisut qinnuigineqarput nassuiaaqqullugit inuiaqatigiinni immikkut eriagisariaqartut gruppet nalunaarsorneqareersut saniatigut innuttaasut akornanni Coronavirusimut misissuisoqarnissaannik pilersaaruteqarnerlutik.**

Nunatta Nakorsaaneqarfiata akissutaa:

“Nualluussuup coronap (SARS-CoV-2) atuunnerani sullissinissaq pillugu Nunatta nakorsaaneerata ilitersuutaani, version 4-mi 4. maaji 2020-mi¹ saqqummersinneqartumi kikkut misissorneqartussaaneerat ersersinneqarpoq.

Napparsimasut Nunatta avataanut angalasimasut inuillu angalasimasunik attaveqarsimasut misissorneqarnissaat pingaarnerpaajutinneqarpoq. Iltersuummit ersersinneqarpoq, napparsimasut aalajangersimasumik nappaatillit tunillatsissimangikkaluarlutillu nappaatip Covid-19-ip ersiutaasa assinginik ersiuteqartut misissorneqarnissaat peqqinnissaqarfiup sapinngisamik qulakkeertariaqaraa. Misissuineq taamaattoq sentinel-overvågning-imik (nakkutiginninnermik) taaneqartarpoq, siunertarineqartarporlu tunillatsisimasunik nunarput qimallugu angalanikuunngitsunik angalasimasunulluunniit attaveqarsimanngitsunik ujarlernissaq. Nunap nakorsaaneera naapertorlugu inuiaqatigiit akornanni tunillatsissimasoqartoq paasineqarpat napparsimasut akornanni tunillatsissimasunik siumuinnissaq ilimanarnerujussuuvoq, ilisimaneqarpormi tunillatsissimasut amerla-nersaat napparsimalertartut. Taamaattumik inuit nappaatip ersiutaanik ersersitsisut akornanni tunillatsisimasunik siumugaqarnissaq ilimanarnerujussuuvoq. Inuiaqatigiit akornanni tunillaassuuttoqanngitsoq paasineqarpat peqqissunik misissuineq annikitsuinnarmik pingaaruteqassaaq annertuumillu aningaasartuuteqarnermik kinguneqassalluni. Inuiaqatigiit akornanni tunillaassuuttoqarpat peqqissunik misissuineq ilaannikkut pingaa-ruteqarsinnaavoq.”

1

[https://nun.gl/Emner/Sundhedsprofessionelle/Landslaegens vejledninger for sundhedsprofessionelle?sc_lang=da](https://nun.gl/Emner/Sundhedsprofessionelle/Landslaegens_vejledninger_for_sundhedsprofessionelle?sc_lang=da)

Inussiarnersumik inuulluaqqusillunga

Med venlig hilsen



Anna Wangenheim